

# Mahere Aromatawai - 2024

## Te Hiranga Te Reo Māori (93003)

### Wāhanga Tuatahi: Pānui – Tuhituhi

Ngā Whakawātanga	Kaute Tōpū
(t) Ka whakaatu i ngā whakaaro motuhake, ngā whakaaro kē, ngā whakaaro ahurei, me ngā whakaaro tika. Ko te takune o tāna i whakaaro ai, i mārama ai, he wairua Māori.	7 – 8
(r) Ka whakamahi i te reo me ūna tikanga pānui, tuhituhi hoki, arā, ngā ture, ngā kārawarawatanga, ngā whakatakotoranga, te hanga kōrero, te reo īpaki, te reo īkawa. Ka whakatakoto taunakitanga hei whakamārama atu i ūna whakaaro.	7 – 8
(k) Ka whakamahi i tētahi tuhinga whai hua ahakoa tōna momo. Ka whakamahi i ngā mōhiotanga e ai ki ngā tikanga Māori, ki te ao Māori hoki.	7 – 8
(t) Ka kōtuitui i ngā pūkenga, i ngā mōhio, i ngā wheako kia pai ai te whakaatu me te puāwai mai o ūna whakaaro. Ka whakaatu ngā whakaaro whānui, ngā whakaaro whāiti, me ngā whakaaro motuhake. He wairua Māori tōna i ētahi wā.	5 – 6
(r) Ka tika te nuinga o te whakaputa reo me ūna tikanga pānui, tuhituhi hoki, arā, ko ngā ture, ngā kārawarawatanga, ngā whakatakotoranga, ētahi hanga kōrero, te reo īpaki, te reo īkawa. Ka whakatakoto taunakitanga hei kawe haere i ūna whakaaro.	5 – 6
(k) Ka hāngai pū te kōrero ki te kaupapa, ā, ka tika te raupapa o ngā whakaaro. Ka whakamahi i ngā mōhiotanga ki ngā tikanga Māori, ki te ao Māori hoki.	5 – 6
(t) Kua tika te nuinga o ngā hanga kōrero. Ka whakamahi i ētahi pūkenga whakawhānui, whakawhāiti whakaaro.	3 – 4
(r) Ka whakamahi i te nuinga o ngā āhuatanga o te reo, ngā ture, ngā kārawarawatanga, ngā whakatakotoranga, hanga kōrero. Ka whakatakoto taunakitanga hei whakaatu atu i ūna whakaaro.	3 – 4
(k) Ka hāngai te kōrero ki te kaupapa, ā, ka raupapa ngā whakaaro i te nuinga o te wā. Ka hāngai ngā mōhiotanga ki ngā tikanga Māori, ki te ao Māori hoki.	3 – 4
Kāore anō kia whakaaro whānui ki tāna i pānui ai, i tuhi ai hoki. He nui ngā hapa, kāore hoki i raupapa tika.	2
Kāore he paku taunaki, kāore hoki he wairua Māori. Kāore he whakapātanga ki te kaupapa.	1
Korekau he hua.	0

## Wāhanga 2: Whakarongo – Kōrero

Ngā Whakawātanga	Kaute Tōpū
(t) E mārama pai ana ki tāna i rongo ai, ki tāna hoki i whakarāpopoto ai.  Maringi noa mai ana te raupapa haere o te kōrero whakarāpopoto i ngā taha e rua o te tautohetohe.  Ka whānui, ka hōhonu te whakapakepake me te whakamārama i ngā taunaki kōrero.	7 – 8
(r) Ka autaia te whakamahi i ngā hanga kōrero, kīwaha, whakatauākī, whakataukī.  E kaha ana te whakatakoto taunaki hei whakatau tika i tāna i whakatau ai.	7 – 8
(k) Whakaputa kōrero e whakaae ana, e whakahē ana rānei i te kaupapa o te tautohetohe.  Mārama ana, wana ana hoki te whakahua kupu me te rere haere o te reo.	7 – 8
(t) E mōhio pai ana ki tāna i rongo ai, ki tāna hoki i whakarāpopoto ai.  Maringi noa mai ana te raupapa haere o te kōrero whakarāpopoto i ngā taha e rua o te tautohetohe.  Ka whānui te whakamārama me te whakapakepake i ngā taunaki kōrero.	5 – 6
(r) Ka whakamahi tika i ngā hanga kōrero, kīwaha, whakatauākī, whakataukī e rua.  E whakatakoto taunaki ana hei whakatau tika i tāna i whakatau ai.	5 – 6
(k) Whakaputa kōrero e whakaae ana, e whakahē ana rānei i te kaupapa o te tautohetohe.  Mōhio ana, e tika ana hoki te whakahua kupu me te rere haere o te reo.	5 – 6
(t) E mōhio ana ki tāna i rongo ai, ki tāna hoki i whakarāpopoto ai.  Ka rere te raupapa o te kōrero whakarāpopoto i ngā taha e rua o te tautohetohe.  Kua tīmata te whakapakepake me te whakamārama taunaki kōrero.	3 – 4
(r) Ka whakamahi i ngā hanga kōrero, kīwaha, whakatauākī, whakataukī e rua.  Ka whakatakoto taunaki hei whakatau tika i tāna i whakatau ai.	3 – 4
(k) Whakaputa kōrero e whakaae ana, e whakahē ana rānei i te kaupapa o te tautohetohe.  Mōhio ana, e tika ana hoki te whakahua kupu me te kawe haere o te reo.	3 – 4
Kāore anō kia whakaaro whānui ki tāna i rongo ai. He nui ngā hapa, kāore hoki i raupapa tika.	2
Kāore he paku taunaki, kāore hoki he wairua Māori. Kaore he whakapātanga ki te kaupapa.	1
Korekau he hua.	0

(t) = \_\_\_\_\_

(r) = \_\_\_\_\_

(k) = \_\_\_\_\_

HE OTINGA

24

### HE MĀRAMATANGA

- (t) Ka whakatūhonotia te kōrero: ko te tuitui i ngā pūkenga, i ngā mōhio, i ngā wheako kia pai ai te whakaatu i te puāwaitanga o ūna whakaaro.  
  
Ka whakaatu ngā whakaaro tika, whakaaro kē, whakaaro ahurei, whakaaro motuhake. Ko te takune o tāna i whakaaro ai, i mārama ai, he wairua Māori tōna. Ka whakatūhono te tuhinga: ko te tuitui i ngā pūkenga, i ngā mōhio, i ngā wheako kia pai ai te whakaatu i te puāwaitanga o ūna whakaaro.
- (r) Ka rere te reo ahakoa tuhituhi, ahakoa kōrero me te whakamārama haere i ūna whakaaro e hāngai ana ki te horopaki.  
Ka whakamahi i ngā hanga kōrero, kīwaha, whakatauākī, whakataukī e puta ai āna mōhiotanga. Ka whakatakoto taunaki hei whakatau tika i tāna i whakatau ai.
- (k) Ka whakamahia tētahi kōrero whai hua ahakoa tōna momo. Ka whakaputa kōrero e whakaae ana, e whakahē ana rānei i te kaupapa o te tautohetohe.

### Whakataunga

Te Hiranga	Te Karamatamata mō Te Hiranga
19 – 20	21 – 24